

433

Faures, testament

Au nom de dieu soit scaichent tous presens
et advenir que **l an mil six cens vingt et huict** et
le **treziesme** jour du moys de **decembre** apres midy a
villemur diocese bas montauban et()seneschaucee de
tholose regnant nostre souverain et tres chestien prince
louys treziesme par la grace de dieu roy de france
et de navarre pardevant moy not(air)e royal soubs(sig)ne et
p(re)se)ns les tesmoingz bas nommes **dans la ma(is)on et
habita(ti)on des testateurs** cy nommes on este en personne
jean et raymond faures pere et()filz travailleurs
habit(ant)z de villemur lesquelz de leur bon gre et()franche
volonte non seduictz induictz ny subornes de personne
estant tous deux en leur bon sens jugement memoire
et cognoissance bien voyant oyant et()parlant considerant
que nous n()avons ceste vye qu()avec condi(ti)on de mourir
d()ou l()heure nous est autant incertaine que no(u)s sommes
certains ne la pouvoir esviter po(u)r estre d()autant mieulx
disposes lors qu()il plaira a dieu les rettirer de
ce monde ont voulu fere leur testament et der(nier)e
dispo(sitio)n des biens qu()ilz ont et leur pourront competer
le jour de leur deces lequel ilz ont declaire et ordonne
en la forme suivante en premier lieu lesd(its) testateurs
estnt led(it) jean pere assis au pres du feu sans
estre indispose de son corps et led(it) ramond dettenu
de certaine maladie corporelle dans ung lict a()la
salle de lad(ite) ma(is)on, ont invoque le nom de dieu
le suppliant au nom et()par le merite de la
mort et()passion de son filz jesus christ
leur vouloir fere pardon et misericorde et

apres ceste vye collocquer leurs ames en son sint
paradis celeste veulent et ordonnent lesd(its) testateurs que
incontinent apres leur deces leur corps soient enseveli
au cemitiere saint jean de ceste ville selon l()ordre
de la religion catholicque apostolicque romaine
remettant leurs honneurs funebres a la discretion de
lucresse vaissie femme dud(it) ramond he(ritie)re bas nommee
s()asseurant qu()elle s()en acquitera chrestiennement
declairent lesd(its) testateurs na voir receu aucung
secours de **michel ayral le(ur) cousin** ny d()au(tr)es le(urs)
parens ains beaucoup d()ingrattitudes et par ainsi
les privent et excluent de leurs biens sur lesquels
ilz veulent q(ue) ne puissent rien demander ./.. et par ce
qu()ilz recoivent et ont receus beaucoup de services
de lad(ite) lucresse vaissie po(u)r l obliger a continuer les
bons offices et()services qu()elle leur a rendue lesd(its) [jean et]
ramond faures ont faitte et nommee lad(ite) lucresse
vaissie leur heretiere universelle et generale

en to(u)s et ch(ac)uns leurs biens noms droictz voix et actions presens et advenir po(u)r en jouir fere et disposer incontinant apres leur deces a()la vye et a()la mort comme ung ch(ac)ung faict de sa cause propre bien entendent scavoir led(it) jean pere po(u)r le regard de ses biens que en cas il decederoit led(it) raymond survivant qu()il recullisse son entiere heredite po(u)r en disposer comme de ses biens sans q(ue) lad(ite) lucrese y puisse rien demander et po(u)r lesd(it) raymond qu()en cas sond(it) pere survivroit a luy qu()il jouisse de ses biens

434

avec sad(ite) femme s()asseurant qu()ilz compatiront ensemble et ne pouvant s()accorder qu()il prene la()moitye de ses revenus ne luy demandant sond(it) pere au(tr)e chose soit droict de legitime ny au(tr)ement comme voulant que lad(ite) lucrese aye et luy appartienne le tout et de plus veult que si sad(ite) femme estoict enceinte ou qu()elle eust des enfans a l()advenir luy ne faisant au(tr)e disp(osition) qu()elle aye et luy appartienne la moitye de to(u)s ses biens et l()au(tr)e moitye a ses enfans laquelle moitye il luy avoit desia donnee **en le(ur) contrat de mariage receu par moy d(i)t no(tai)re** qu()il ratiffie et esmologue par son p(rese)nt testament et telle ont declaire lesd(its) faures pere et()filz estre leur der(nier)e disp(osition) que veulent q(ue) vaille par droict de testament codicille donna(ti)on et par au(tr)e droict uz stil et coustume q(ue) mieulx pourra valloir cassant revocquant et annullant to(us) au(tr)es testemens et disp(osition)s precedentes affin q(ue) le p(resent) sorte a effect si ont pries les tesmoings bas nommes par eux recogneus et nommes par leur nom d()estre memoratif du p(resent) testament et a moy no(tai)re leur en rettenir instrument ce qu()ay fait ez p(resent)ces de hilaire et ysaac seignes fre(res) filz de()jean jean mestre filz a feu blaise teyssier jean malbert filz d au(tr)e jean, pol bousquet filz de jean geraud blacquiere signes et vital vieusse teyssier de vill(emur) ne scaichant ny lsd(its) testate(ur) et moy no(tai)re requis

Seigne, p(rese)nt

Seigne

Malbert

Bousquet, p(rese)nt

Mestre

Blacquiere, p(rese)nt

Esteverin

not(aire) r(oyal)